



Broj: 05/1-50-15-26-2-3/21

Sarajevo, 12. 4. 2021.

ZAPISNIK

2. sjednice Nezavisnog odbora Parlamentarne skupštine BiH

Sjednica je održana 12. 4. 2021, s početkom u 17.15 sati.

Sjednicu je sazvao Enes Obraliija, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obraliija, predsjednik Nezavisnog odbora, Miše Šavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujaki, Enes Bezdob, Nikola Džambas, Mate Miletić, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Darko Čulum, direktor Državne agencije za istrage i zaštitu, te Uroš Knežević, zamjenik direktora Državne agencije za istrage i zaštitu.

Sjednicom je predsjedavao predsjednik Nezavisnog odbora Enes Obraliija.

Konstatiraju i da postoji kvorum, otvorio je 2. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeće:

DNEVNI RED

1. Usvajanje Zapisnika konstituirajuće sjednice Nezavisnog odbora;
2. Razmatranje Izvještaja o radu Državne agencije za istrage i zaštitu za 2020. godinu i Programa rada Državne agencije za istrage i zaštitu za 2021. godinu, broj: 16-03-50-482-2/21 od 25. 1. 2021, a zaprimljeni u Pisarnici Parlamentarne skupštine BiH

3.2.2021, broj: 05/1-50-15-26-78/21, i razgovor s rukovodstvom Državne agencije za istrage i zaštitu;

3. Tekuća pitanja:

- a) Predstavka broj: 05/1-50-17-572/21 od 8. 3. 2021;
- b) Dopis Fonda PIO Republike Srpske, broj: 05/1-50-17-705/21 od 26. 3. 2021;
- c) Ostalo.

Ad. 1. Usvajanje Zapisnika konstituirajuće sjednice Nezavisnog odbora

Zapisnik konstituirajuće sjednice Nezavisnog odbora usvojen je jednoglasno, bez primjedbi.

Ad. 2. Razmatranje Izvještaja o radu Državne agencije za istrage i zaštitu za 2020. godinu i Programa rada Državne agencije za istrage i zaštitu za 2021. godinu, broj: 16-03-50-482-2/21 od 25. 1. 2021, a zaprimljeni u Pisarnici Parlamentarne skupštine BiH 3. 2. 2021, broj: 05/1-50-15-26-78/21, i razgovor s rukovodstvom Državne agencije za istrage i zaštitu

U uvodu u ovu tačku dnevnog reda predsjednik Nezavisnog odbora Enes Obralića istakao je da su na sjednicu Nezavisnog odbora pozvani i prisustvuju joj Darko Čulum, direktor Državne agencije za istrage i zaštitu, i Miro Knežević, zamjenik direktora Državne agencije za istrage i zaštitu a kako bi s članovima Nezavisnog odbora razgovarali o Izvještaju o radu Državne agencije za istrage i zaštitu za 2020. godinu i Programa rada Državne agencije za istrage i zaštitu za 2021. godinu. Predsjednik Nezavisnog odbora Enes Obralića također je istakao da je predmetni materijal dostavljen članovima Nezavisnog odbora u skladu sa zaključkom sa 78. sjednice Nezavisnog odbora, iz prethodnog saziva, kojim se od Direkcije za koordinaciju policijskih tijela BiH, Državne agencije za istrage i zaštitu i Granične policije BiH tražilo dostavljanje Izvještaja o radu za 2020. godinu i Programa rada za 2021. godinu, nakon čega je otvorena rasprava.

U raspravi o ovoj tački dnevnog reda i razgovoru s direktorom i zamjenikom direktora Državne agencije za istrage i zaštitu učestvovali su svi članovi Nezavisnog odbora.

Razgovarali su o trenutnom stanju u Državnoj agenciji za istrage i zaštitu, rezultatima koje su ostvarili u prethodnom periodu a posebno kada je u pitanju organizirani kriminal, borba protiv terorizma, trgovina ljudima i narkoticima, problemima s kojima se susreću u radu, kadrovskoj

popunjenosti, nacionalnoj strukturi zaposlenih u ovoj policijskoj agenciji, o problemu neujednaenosti prilikom ostvarivanja prava na penziju policijskih službenika iz Federacije BiH i Republike Srpske, o Zakonu o policijskim službenicima, Zakonu o Državnoj agenciji za istrage i zaštitu, saradnji s drugim policijskim agencijama kao i s Tužilaštvom BiH.

Na upit člana Nezavisnog odbora Muhameda Mujakića kakva je nacionalna struktura zaposlenih u Državnoj agenciji za istrage i zaštitu direktor je dao detaljan odgovor.

Dalje, s obzirom na to da se iz sredstava javnog informiranja moglo čuti kako su neki policijski službenici Državne agencije za istrage i zaštitu izvršili samoubistvo i to službenim oružjem, član Nezavisnog odbora Muhamed Mujakić otvorio je pitanje redovnog sistematskog pregleda policijskih službenika. Direktor u odgovoru istakao je da redovnih sistematskih pregleda po zakonu nema niti postoje zakonske odredbe koje obavezuju da se obavljaju redovni sistematski pregledi osim u slučaju kada rukovodilac procijeni na osnovu ponašanja policijskog službenika da ga treba uputiti na vanredni ljekarski pregled.

Rukovodstvo Državne agencije za istrage i zaštitu informiralo je članove Nezavisnog odbora da je Izvještaj o radu za 2020. i Program rada za 2021. godinu usvojilo Vijeće ministara BiH.

Nakon rasprave članovi Nezavisnog odbora jednoglasno su primili k znanju Izvještaj o radu za 2020. i Program rada za 2021. godinu Državne agencije za istrage i zaštitu.

Ad. 3. Tekuća pitanja

a) Predstavka broj: 05/1-50-17-572/21 od 8. 3. 2021.

U uvodu u ovu temu dnevnog reda predsjednik Obratija je upoznao članove Nezavisnog odbora da je ovo tijelo posredstvom službenog e-maila dobilo predstavku koja je dostavljena svim članovima Nezavisnog odbora, te je nakon diskusije u kojoj je učestvovala većina članova Nezavisnog odbora jednoglasno konstatirano da Nezavisni odbor nije stvarno nadležan za postupanje po predavci o čemu je njen podnosilac biti obaviješten.

b) Dopis Fonda PIO Republike Srpske, broj: 05/1-50-17-705/21 od 26. 3. 2021.

Dalje je predsjednik Obralića upoznao sve članove Nezavisnog odbora da je ovo tijelo također posredstvom službenog e-maila zaprimilo dopis Fonda PIO Republike Srpske, a u vezi s neispravnim podacima o plaćama za predsjednika Nezavisnog odbora iz ranijeg mandata. S obzirom na to da Nezavisni odbor nije nadležan za postupanje po navedenom dopisu, isti će biti prosljeđen Zajedničkoj službi Parlamentarne skupštine BiH i o tome će se obavijesti Fond PIO Republike Srpske.

c) Ostalo

U okviru ove tačke dnevnog reda otvorena je rasprava o izgledu i sadržaju službenih iskaznica članova Nezavisnog odbora. Konstatirano je da, u skladu s Poslovníkom o radu Nezavisnog odbora, članovi Nezavisnog odbora imaju službene iskaznice, te da će se u narednom periodu preduzeti aktivnosti na njihovoj izradi.

Predsjednik Nezavisnog odbora Enes Obralića zaključio je sjednicu u 19.05 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića